



TRAGEDI LEMAS

MOHAMAD HAFIZI MOHD SAID, SITI SAFA MOHD NOR, NURUL FIRDAUS KHAIRI & NORHAFIZAN ZULKIFLI

Tergelincir ketika memancing

JENJAROM - Mayat seorang pelajar tingkatan satu dari Sekolah Menengah Kebangsaan (SMK) Jenjarum yang hilang dipercayai lemas ketika memancing di Kunci Air Sungai Jarum bersama tiga lagi rakannya, kelmarin, ditemui semalam.

Mangsa, Lau Peng An, 13, ditemui orang awam kira-kira jam 11.20 pagi semalam dalam jarak tiga meter dari lokasi mangsa terjatuh.

Ketua Balai Bomba dan Penyelamat Banting, Mohd Jaslizad Jalil berkata, 13 anggota digerakkan ke dua lokasi untuk operasi mencari dan menyelamatkan mangsa dengan bantuan Pasukan Penyelamat Dalam Air (PPDA).

Menurutnya, pihaknya terpaksa meronda dari Sungai Langat dengan menggunakan bot penyelamat bagi mengesan mangsa.

"Difahamkan, mangsa memancing bersama tiga lagi rakannya di kunci air dan seorang lagi rakannya nyaris lemas namun berjaya diselamatkan orang awam yang kebetulan sedang memancing di kawasan sama," katanya.

Sementara itu, seorang ahli Jabatan Amal Malaysia Kuala Langat, Mazlan Sulaiman, 45, yang menyaksikan kejadian itu berkata, dia

hanya sempat menarik tangan seorang rakan mangsa.

"Ketika kejadian, empat remaja tu sedang memancing di kawasan dalam pagar yang berkunci, saya pula dengan anak-anak memancing di luar pagar kunci air.

"Masa tu mangsa dan kawan dia tiba-tiba tergelincir. Saya terus lari ke arah mereka dan hanya sempat capai tangan seorang kawan mangsa naik ke atas.

"Mangsa memang tak sempat diselamatkan...tapi kawan-kawan mangsa yang lain beberapa kali cuba menyelamatkan dia guna tali pancing tapi gagal sebab tali terputus.

"Kawan mangsa yang saya selamatkan tu pun pada awalnya tercungap-cungap, tapi bila dia sedar dia pula nak terjun ke sungai nak cari mangsa...tapi saya halang sebab bimbang dia pula akan lemas," katanya.



Mayat mangsa ditemui dalam jarak tiga meter dari lokasi mangsa terjatuh, pagi semalam.

Hilang dibawa arus deras

PERAK



Wan Hassan (dua, kanan) meninjau lokasi kejadian dikatakan ketiga-tiga mangsa tergelincir lalu jatuh ke dalam Sungai Bidor.

Nyaris kena belit dengan ular sawa

Anggota JPAM berdepan detik cemas ketika cuba tangkap haiwan reptilia yang terjatuh dalam longkang penduduk

TAMANDATO HORMAT

- Sepasang suami isteri terkejut selepas terdengar bunyi seperti objek terjatuh ke dalam longkang berhampiran rumah mereka kira-kira jam 6.35 pagi semalam.

Amir Hamzah Kasim, 51, berkata, dia bersama isterinya, Suhaila Othman, 45, segera memeriksa objek yang terjatuh itu dan terkejut sejurus melihat kelibat ular sawa yang berada dalam longkang tersebut.

"Ingatkan apa yang jatuh, rupanya ular...saya terus panggil jiran-jiran sebab bimbang keselamatan mereka, lepas tu saya terus maklumkan kepada ahli jawatankuasa kawasan rukun tetangga (KRT) untuk tindakan selanjutnya.

"Rumah saya ni terletak bersebelahan dengan kebun pisang dan kelapa sawit. Mungkin ular ni tersesat dari kebun orang.



AHMAD NAZLI

Selama saya duduk di sini, tak pernah ada kejadian macam ni lagi berlaku," katanya.

Sementara itu, Pengerusi Kawasan Rukun Tetangga (KRT) Palas Taman Dato' HORMAT, Ahmad Nazli A Manaf berkata, dia menerima panggilan seorang penduduk kira-kira jam 6.45 pagi.

Menurutnya, beliau turut menghubungi Jabatan Pertahanan Awam (JPAM)



Sebahagian anggota KRT, SRS dan penduduk Taman Dato HORMAT membantu anggota JPAM menangkap ular sawa itu.

memaklumkan perkara itu dan bergegas ke lokasi kejadian.

"Saya arah ahli-ahli KRT dan SRS pastikan ular tu tak hilang dari pandangan sementara tunggu pihak JPAM tiba.

"Kira-kira sejam kemudian, pihak JPAM tiba namun kami menghadapi kesukar-

an untuk menangkap ular tu... sebab bahagian atas longkang ditutup.

"Masa tu anggota JPAM terpaksa meniarap masuk untuk pasang tali jerut manakala seorang lagi anggota JPAM tolak ular dengan besi supaya ia bergerak ke depan bagi memudah-

kan tujuan itu," katanya.

Ahmad Nazli berkata, JPAM juga berdepan detik cemas berikutan ular sawa itu bertindak agresif ketika proses penangkapan dilakukan.

"Anggota JPAM yang ditugaskan nyaris dibelit, tapi Alhamdulillah, segalanya ber-

jalan lancar, hasil kepakaran anggota menangani situasi itu. Proses itu selesai dalam masa 20 minit," katanya.

Ular itu kemudiannya diserahkan kepada Jabatan Perlindungan Hidupan Liar dan Taman Negara (Perhilitan) untuk tindakan selanjutnya.